

KIRION, URSULA (69): Aal Schullfründin (2:07:57)

Wie mer zwanzig Johr us der Schull wore, ha' mer uns et eetste Mol widdergefunge. Mer woren all usenandergedriff. Ich han meddlerwiel en Kerpe gewonnt, wo ich hügg noch wonne. Minge Broder es dann em "Blomekörvche" Fastelovend an der Thek met ener Frau en et Gespräch gekumme, wo e dann gesaht hät: "Ja, do bes jo och nit vun Kölle, bes jo och keine Kölsche."



Do hät dat sich ensinger Ihr gekränk geföhlt un hät gesaht: "Wat? Kölscher wie ich kann jo keiner sin: Em Vringsveedel gebore, em Klüsterche, am Nüümaat groß gewoode, ming beste Fründin hät am Kleine Kreechmaat gewonnt, ich ben en der Trierer Stroß en de Schull gegange."

Minge Broder dann: "Jo? Wä wor dann die Fründin, die am Kreechmaat gewonnt hät?"

"Jo, Kreechmaat, Eck Alexianerstroß, et Ursula."

Hät minge Broder dann gesaht: "Dat wor ming Schwester."

Dodurch ha' mer uns widdergefunge. Eesch ha' mer uns en der Griechenschänke getroffe met däm besagte Roswitha, wat dann direk met däm matschige Schlot op mich aankom.

Do säht dat üvrigens för mich: "Wat? Do wors doch fröher immer su en Spings. Ich ben doch om Schullhoff immer vür der hergelaufe, domet dich der Wind nit ömblosen dät."

Jo, un dann ha' mer ens beim "Schmitze Lang" et große Klassetreffe gemaht, wo dann och Junge dobeikome un su, un dann kom do dä eine Klassenkamerad un do säht dä: "Ich kenn' üch jo all kaum widdere. Ehr sid jo all ganz anders gewoode. Fröher kunnt ich met üch nix aanfange. Do wollt ich üch nor immer en der Aasch tredde."

Un hügg treffe mer uns immer noch. Sechsig si' mer entlasse woode un jetz em Mai ha' mer widdere e Treffe un manche brängen ehr Partner met. Manchmol si' mer fünfunzwanzig. Dat es immer schön. Vörriges Johr wore mer em Hännesche. Sin immer schön Saache.

Kirion, Ursula (69): Aal Schullfründin

vi me 'tʃvantsɪfɪ ʒɔɐ̯ ʔʊs de ʃʊl vɔ:ʌ ha_ me ʔʊnz_ət ʔe:ʃtə mo:l vidɛjəʃʊŋə nə ʔʊn_ə miɐ̯ vɔ:ʌn ʔal ʔʊzə'handɛjə,dʒɪftət ʔɪfɪ:an metle'vi:l ʔɪn kɛpən jəvʊnt nə vo_ɸ hɪk nɔx vʊnə miŋə bʊo:dɛ dɛ hɛt:an ʔem 'blo:məkɔʁfjə hɛt:ɛ ʔop fastə'lo:vənt ʔan dɛ tɛ:k ʔes me_ nɛ fʁaʊ ʔɪn_ət jɛʃpɛ:ɸ:əkʊmən vo_ə dan jɛzɑ:t:ɛt ja: do bis ja_o_nit fʊn kœlə bis ja_ox kenə kœlfə nə ʔʊn dan hɛt:at sɪɸ_ɛn zɪŋə ʔœɐ̯ʌ jəkɛŋk jɛfø:ld_ʊn hɛt jɛzɑt vat ʔalzo kœlfə vi_ɸ kan ʒɔ kenə zɪn ʔem fʁɪŋs'fɛ:dəl jəbɔ:ʌ ʔen_ət 'kly:stɛfjə ʔam ny:ma:t jʊo:s jəvœgdə miŋ bɛstə fʁyndɪn hɛd_ am klɛɪnə 'kvi:ɸma:t jəvʊnt nə ʔʊn ben_ɛn dɛ tʁɛɐ̯ʌ ʃtʁɔ:s:əjɑŋə nə ɸ miŋə bʊo:dɛ dan ʒɔ: vɛ vɔ: dan di fʁyndɪnə di_ am kʁɛ:ɸma:t jəvʊnt_ɛt ja: 'kʁɛ:ɸma:t ʔɛk ʔalɛks'ja:nɛ ʃtʁɔ:z_ət ʔʊzɛlə miŋə bʊo:dɛ dɛn tat vœɐ̯ miŋ ʃvɛs:tɛ ʔʊn 'dɔdʊɐ̯ɸ ha_ me ʔʊns 'fɪgɛjəʃʊŋən ta ha_ me jɛzɔ:k ʔʊn jɛzɔ:k ʔʊn han_ʊns 'vedɛjəʃʊŋən ʔe:ʃ ha_ me ʔʊns ʔɛn

de 'gvi:fhənʃeŋkə jətʁɔfən met:ɛm bəzaxtə ʁos'vi:ta vat:an dəkək met:ɛm:atʃiə ʃlɔ:d_ɔp miʃ
ʔa:nkɔ:m da zɛ:t:at ʔɣbɪəns fy miʃ vat dʊ vɔ:s tɔx fɛøe ʔime zʊ_ən ʃpɪn səʃ_pɪn dɔɁ_ʊm
ʔʊm_ə 'ʃɔlaf ʔime fy de 'hɛɟjələʊfə dɔ'met:ɪʃ de vɪnt nɪt 'ʔømbɫas miʃ:ɔ mɪtlɛ'vi:l ja ni_mi
ʔəzʊ døn ben:ə jɔ_ən dan ha_me_ŋs bəm ʃmɪtʃə laŋ ʔət jɔ:se 'klasəntɛfə jəma:t vo dan
ʔox jʊŋə beɪ kɔ:mə_ʊn so ʔʊn kɔ:m dɔ dɛ: ʔeɪnə 'klaʃenkaməɁ:t ʔʊn da sɛ:t:ɛ ʔɣʃ kɛn_ɪʃ
ja ʔal kɔ:m vidɛ ʔiɛ zit ja ʔal jants ʔandɛs jəvøɔdɛ fɛøe kund_ɪʃ mit ʔɣʃ nɪks ʔa:nfanə dɔ
vuld_ɪʃ ʔɣʃ nʊɔ nɔ ʔɪn de ʔa:ʃ tɛdɛ ʔʊn hɣk tɛfə me_ʊns ʔime nɔx ʔɪz_ən ʃø:nə za:x nɛ
'sɛksɪʃ zɪ_me ʔɛntləsə vøɔdɛ ʔʊn vi jɛtʃ_ɛm:əɪ ha_me vidɛɁ_ø: vidɛɁ_ø tɛfə ʔ
mi:stəns:i_me manʃə bɛɛŋə_ɛɁə paxtne mɪt 'manʃmɔ zɪ_me 'fɣnʊntʃvantsɪʃ lɣk dad_ɛs
ʔime ʃø:n foəs jɔ vɔ:_me_ʊm 'hɛnəsʃə zɪn ʃø:n za:xə